

Ա. Ս. ՀԱՄԱՐԱՅԱՆ, Դ. Ա. ՄՈՒՐԱԴՅԱՆ, Ա. Հ. ՍԻՄՈՆՅԱՆ, ԱՐԵՆՆԱԿԱՆ ՀԱՅԱՍՏԱՆԻ ԿՐԹԼԵՄԱՐԻԱՏԻ ԿԱԾԱՆԵՐՅԱՆԸ, ՀՍՄՀ ԳԱ ՀՐԱՄԱՐԱԿԼԻՄՅՈՒՆ, ԵՐԵՎԱՆ, 1988, 300 էջ:

Մեր Լրկրի բանվոր դասակարգի ազգային շեղանքների հերոսական անցյալի գիտական, համակողմանի ուսումնասիրությունն այսօր էլ այժմեական է: Այս իմաստով Ա. Համարյանի, Դ. Մուրադյանի, Ա. Սիմոնյանի վերջերս լույս տեսած մենագրությունը մերօրյա խնդիրների առումով լուրջ ներդրում է սովորական պատմագիտության մեջ:

Դրախոսվող գիրքն Արենյան Հայաստանի բանվոր դասակարգի պատմության հարցերին նվիրված պատմագիտական հետազոտությունների պարզ ամբողջացումն ու ընդհանրացումը չէ: Ըստ էության, այն նոր հետազոտություն է, որակապես նոր աշխատանք, որտեղ նկատի են առնվել պատմագիտության ժամանակակից նվաճումները, գիտական շրջանառության մեջ են դրվել արխիվային նորահայտ նյութեր, որոնք մենագրության հեղինակներին հնարավորություն են տվել խորությամբ լուսաբանելու, ճշտելու, մի շարք դեպքերում վերագնահատելու առանձին իրադարձություններ, փաստեր ու անելու նոր ընդհանրացումներ:

Հեղինակները հանգամանորեն անդրադառնալով Արենյան Հայաստանի պրոլետարիատի ձևավորման սոցիալ-տնտեսական պայմանների խնդրին՝ համոզիչ փաստերով ցույց են տվել առաջագիմական այն մեծ նշանակությունը, որ ունեցավ Արենյան Հայաստանի միացումը Ռուսաստանին:

Ուշադրության արժանի է այն, որ աշխատության մեջ հանգամանորեն լուսաբանվել են Արենյան Հայաստանի արդյունաբերության ստեղծման և զարգացման հարցերը, ճշգրտվել, ամբողջացվել, գիտական իմաստավորում են ստացել հայտնի և անհայտ տվյալները, մասնավորապես ներկայացվել են Արենյան Հայաստանի արդյունաբերական արտադրանքի ծավալը, նրա զարգացման դինամիկան, կապիտալիզմի զարգացմանը նպաստող և խանգարող գործոններն արտադրության գրեթե բոլոր ճյուղերում՝ սկսած լեռնահանքային արդյունաբերությունից, վերջացած բազմաճյուղ տնայնագործական ձեռնարկություններով: Գրքում բացահայտվել են տրանսպորտի մեջ տեղի ունեցած դրական տեղաշարժերը: Ցույց է տրվել, որ Արենյան Հայաստանի լինելով համառուսաստանյան տնտեսական օրգանիզմի անբաժան մասը, բնականաբար, կրել է ռուսական կապիտալիզմի թե՛ դրական և թե՛ բացասական ազդեցությունը: Փաստական նյութի հիման վրա ընդգծվել է, որ Լվրոպական կապիտալը ներթափանցելով Ռուսաստան, Անդրկովկաս և Արենյան Հայաստան՝ մի կողմից մեծացնում էր տնտեսական կախվածությունը Արենյանից, մյուս կողմից՝ էապես նպաստում երկրամասում արդյունաբերության զարգացմանը:

Աշխատության մեջ անհրաժեշտ ուշադրություն է դարձվել արեւելահայ արդյունաբերական բուրժուազիայի և պրոլետարիատի ձևավորման առանձնահատկություններին, որոնք պայմանավորված էին գերազանցապես հայ ժողովրդի պատմական ճակատագրով: Շեղանակներով օտար նվաճողների կողմից, հայերը ստիպված թողել են իրենց հայրենիքը և հաստատվել տարբեր երկրներում, այդ թվում նաև Վրաստանում ու Ադրբեյջանում: 1897 թ. մարդահամարի տրվյալներով Անդրկովկասի հայերի շուրջ կեսը բնակվում էր այդ երկրներում (էջ 44): Գրքում հանգամանորեն վերլուծված են նաև մյուս առանձնահատկությունները՝ գյուղացիության երկրագործական և ոչ երկրագործական արտադնացությունը, մշակվող հողային ֆոնդի սակավությունը, տեղական արդյունաբերության թույլ զարգացումը, արդյունաբերական խոշոր կենտրոնների՝ Քրիլիսիի և Բաքվի, մոտիկությունը բանվորական ընտանիքի՝ որպես պրոլետարիատի շարժման համալրող գործոնի, շափազանց աննշան դերը, «հողաբաժնով բանվորների» մեծ թվի առկայությունը և այլն:

Աշխատության մեջ հանգամանորեն ներկայացվել է Արենյան Հայաստանի բանվոր դասակարգի, մասնավորապես երկրամասի կապիտալիստական արդյունաբերության հիմքը կազմող պղնձարդյունաբերական պրոլետարիատի դրությունը: Հեղինակային կոլեկտիվի ուշադրության կենտրոնում են եղել կապրային ու ժամանակավոր բանվորների, կանանց և անչափահասների աշխատանքի շահագործման, բանվորական աշխատանքային օրվա խեղությունը, աշխատանքի 10—8

տավարձի, բանվորների հարաբերական և բացարձակ աղքատացման հարցերը: Գրքում լուսա-
րանված են բանվորների աշխատավարձի վրա հեղափոխական շարժումների վերլուծի ու տեղատ-
վությունների ունեցած ազդեցությունը, ինչպես նաև անվանական և իրական աշխատավարձի
հարաբերության հարցերը, բանվորական ընտանիքի բյուջեն: Առաջին անգամ ըստ ամենայնի
լուսարանվել են զարգացող արդյունաբերության մեջ կանանց ու անչափահասների աշխատու-
նքի սահմանափակ կիրառման պատճառները, ինչը բնորոշ էր ինչպես ամբողջ Անդրկովկասին,
այնպես էլ Արևելյան Հայաստանին (էջ 66—75):

Մինչ այժմ Արևելյան Հայաստանի բանվոր դասակարգի պատմության ամենատարբեր խըն-
դիրներին նվիրված հարուստ դրականության մեջ մասնագիտական հետազոտության շնն են-
թարկվել բանվորների աշխատանքային պայմանների և դրա հետ կապված դժբախտ պատահա-
րների ու սոցիալական ապահովագրության հարցերը: Խնդրո առարկա հետազոտությունը լրաց-
նում է այդ բացը: Այսուհանդերձ, գրքում մինչև վերջ չեն հաղթահարվել նաև այս հարցում
հղած դժվարությունները, քանի որ, ինչպես իրավացիորեն նկատում են հեղինակները, արտա-
դրության մեջ տեղի ունեցող դժբախտ պատահարներին վերաբերող նախահեղափոխական շր-
ջանի վիճակագրական նյութերն ունեն խոշոր թերություններ. «ամենացալսուն թերությունն
այն է, որ ոչ բոլոր դժբախտ պատահարներն էին հաշվառվում» (էջ 95): Գրքում հիմնակա-
նում քննվել են արդյունահանող արդյունաբերության մեջ տեղի ունեցող դժբախտ պատահար-
ների հարցերը: Հաշվվել է կենդանի, փաստական նյութերով ցույց տալ կայսրության կիսազա-
ղությունից ազգային շրջաններից մեկի՝ Արևելյան Հայաստանի, բանվոր դասակարգի ծայ-
րահեղ ծանր վիճակը, որը նրան անխուսափելիորեն մղում էր հեղափոխական պայքարի հոր-
ձանքեր, դարձնում ռուսական պրոլետարիատի հեղափոխական շոկատներից մեկը, պայմաններ
ստեղծում հեղափոխական մարքսիստական սոցիալ-դեմոկրատիայի ակտիվ գործունեության
համար:

Աշխատության մեջ այնուհետև ցույց է տրվում գյուղական պրոլետարիատի ձևավորումն ու
զարգացումը: Նշվում է, որ նրա առաջին ներկայացուցիչները թեև Լեռան ևն եկել դեռ անցյա-
լում, բայց պարսկական ու թուրքական ծանր տիրապետության պայմաններում պրոլետարիատի
համար զարգացման պայմաններ չկային: Միայն Ռուսաստանին միացումից հետո են Արևելյան
Հայաստանում առաջանում պրոլետարական տարրերը, որոնք զարգացման որոշակի աստիճա-
նի են հասնում XIX դ. վերջին և XX դ. սկզբին: Փաստական տվյալներով ցույց է տրվում, որ
1880-ական թվականների կեսին պրոլետարական ու կիսապրոլետարական զանգվածներն ար-
դեն կազմում էին երկրի գյուղական բնակչության շուրջ 30%-ը: Հետագա տասնամյակներում
ներսեց քանակը գնալով ավելի է մեծանում: Շեշտվում է, որ Արևելյան Հայաստանում պրոլե-
տարիատի տիպիկ ներկայացուցիչը բատրակն էր՝ իր շնչին բաժնեհոգով ու տնտեսությամբ:
Աշխատության մեջ ցույց է տրվում, որ բատրակները վարձվում էին տարբեր ժամկետներով,
բայց առավելապես սեզոններով, քիչ էր տարիներով վարձվողների քանակը: Ապացուցվում է,
որ Արևելյան Հայաստանի գյուղական պրոլետարների ու կիսապրոլետարների ճնշող մեծա-
սանությունը տեղացիներ էին և միայն փոքրամասնությունն էր եկել դրսից՝ գերազանցապես
Պարսկաստանից ու Թուրքիայից: Բատրակները վարձվում էին առավելապես Արարատյան դաշ-
տում ու Լոռիում, այսինքն այն շրջաններում, ուր ապրանքադրամական հարաբերությունները
համեմատաբար զարգացած էին:

Գրքում այնուհետև համառոտակի ցույց է տրվում գյուղական պրոլետարիատի պայքարն
իր հարստահարողների ու ճնշողների դեմ: Նշվում է, որ բատրակներն այդ պայքարը մղում էին
աշխատավոր գյուղացիության մյուս զանգվածների հետ միասին, քանի որ ցրված էին առան-
ձին գյուղերում ու տնտեսություններում և դեռ հավաքական ուժ չէին կազմում: Մեր կարծիքով,
նպատակահարմար կլինեք, եթե գյուղական պրոլետարիատի ձևավորման, դասակարգային պայ-
քարի, հեղափոխական սոցիալ-դեմոկրատիայի՝ գյուղում ծավալած գործունեության, գյուղա-
ցիական հեղափոխական շարժումների, այդ գործում գյուղական պրոլետարիատի ավանգար-
դային դերի հարցերը լուսարանվեին արդյունաբերական պրոլետարիատի պատմության խնդիր-
ների հետ զուգակցված, քանի որ դրանք սերտորեն կապված են միմյանց հետ և, բնականա-
բար, ընթերցողի մեջ ամբողջական պատկերացում կստեղծեն հարցի մասին: Աշխատությունը
կշահեր, եթե հեղինակներն Արևելյան Հայաստանի սոցիալ-տնտեսական զարգացման, բանվոր
դասակարգի և գյուղացիության վիճակը վերլուծելիս առանձին դեպքերում խուսափեին երկրոր-
դական ընդլայնի թվական տվյալներից ու փաստերից: Դա կնպաստեր էական ընդհանրացումնե-
րի ու եզրահանգումների ընդգծմանը:

Հետաքրքիր նյութ է պարունակում Բանվորական շարժումները և հեղափոխական սոցիալ-դեմոկրատական կազմակերպությունները Հայաստանում XIX դ. վերջին և XX դ. սկզբին՝ Բաժինը, Հեղինակների տեսադաշտից չեն վրիպել աղահանքերում, տպարաններում, երկաթուղու շինարարությունում զբաղված Բանվորների առաջին հեղափոխական ելույթները, որոնք, չնայած դարավերջին թույլ էին և կրում էին տնտեսական բնույթ, այդուհանդերձ, վկայում էին ձևավորվող դասակարգի հեղափոխական ընդլուծումների աստիճանական հասունացման մասին։ Գրքում համակողմանիորեն լուսարանված են XX դ. սկզբին Արևելյան Հայաստանում ծավալված գործադուլային շարժումների հարցերը, հիմնավորված է այն հետևությունը, որ «Ալավերդում Բանվորական հոծ մասսայի և ուժեղ սոցիալ-դեմոկրատական կազմակերպության առկայությունը պայմանավորում էին նրանց առաջատար դերը Հայաստանի հեղափոխական շարժումների մեջ» (էջ 182)։ Ինչպես այս, այնպես էլ բազմաթիվ այլ ընդհանրացումներ, փաստերի, իրադարձությունների գիտական վերլուծություններն ընդգծում են աշխատության պատմական-սակցական ուղղվածությունը, որն օգնում է մասսաների նկատմամբ կուսակցական ներգործության մեխանիզմի բացահայտմանը։

Գրքում անհրաժեշտ ուշադրություն է նվիրվել Բանվորական շարժումների և գյուղացիական ելույթների զուգակցման հարցին։ Նշելով Արևելյան Հայաստանում այդ երեւոյթի առկայության փաստեր, հեղինակներն իրավացիորեն նկատում են, որ նման երեւոյթը հնարավոր էր դառնում Արևելյան Հայաստանի այն շրջաններում, եւր ուժեղ էր հեղափոխական սոցիալ-դեմոկրատիայի ազդեցությունը քաղաքային և գյուղական պրոլետարիատի վրա։ Այդպիսի վայրերից էր Լոռին (էջ 195)։

Աշխատության մեջ ընդգծված է բուլղերիկների ազդեցության մեծացումը, որն ինչպես ամառը և Երևանում, այնպես էլ Արևելյան Հայաստանում չէր բացառում սուր, անհաշտ պայքարը բուրժուական և մանրբուրժուական կուսակցությունների դեմ։ Սակայն եթե դաշնակցական կուսակցության դեմ մղած պայքարը ցույց է տրված կոնկրետ օրինակներով (էջ 185, 209, 210, 216, 222), ապա նույնը չի կարելի ասել մյուս մանրբուրժուական կուսակցությունների դեմ բուլղերիկների մղած պայքարի լուսարանման վերաբերյալ։ Գրքում ցույց է տրված, որ հեղափոխական պրոպագանդի արդյունավետությունը բարձրացնելու նպատակով բուլղերիկյան կազմակերպությունները հիմնական օգտագործում էին գաղափարական աշխատանքի հնարավոր բոլոր միջոցները՝ մամուլը, միտինգները, ժողովները, հրապարակային դասախոսությունները, ցույցերը։ Բուլղերիկները մեծ նշանակություն էին տալիս ճշմարիտ ինֆորմացիային, դժվարությունների, վրդիպումների ու բացթողումների հրապարակմանը, կարծիքների բախմանը, Բանվորական շարժման ընթացքում թույլ տրված սխալների բացահայտմանը։

«Արևելյան Հայաստանի պրոլետարիատի պատմություն» գիրքը գրված է բավականաչափ լայն աղբյուրագիտական բազայի վրա, պարունակում է հարուստ, զգալի չափով նոր փաստական նյութ, աչքի է ընկնում բովանդակության և շարադրման ոճի միասնությամբ։

Պ. Պ. ՀԱՐՈՒԹՅՈՒՆՅԱՆ

Պատմական գիտությունների քննադատ